

兩年前有一日，有朋友突然俾電話我，話特首係電視點贊我同小鳳姐，重話我地係「雙鳳合璧」！我話吓？乜野事咁嚴重？

我即刻打開電視睇，原來特首出席基本法成立 30 周年紀念，提起當年我做廣告時，義務為基本法徵求意見稿做咗成年嘅宣傳，而徐小鳳就義務唱廣告歌！講真，聽到嗰刻都幾感動！幾十年前嘅事，原來 CY 一直放係心度，重記得！

人人都話 CY 唔識多謝人，又話佢深藏不露又冷漠，其實佢好重情重義，不過佢係一個比較克制含蓄既人，唔輕易表露自己。

CY 其實好鐘意落區同市民傾計，佢立志做個親民特首，拎住一支筆、一本部、一張·，到基層聆聽市民心聲，改善民生。可惜事與願違！

佢· 2012 年 3 月 25 日以高民望當選，但反對勢力大到你唔信，一開始就有人拋出 ABC, Anyone But CY, 4 月 1 日就有人組織大遊行，重未上任特首，就叫佢落台！

不過 CY 心理質素好，抗壓能力高，正如佢話要迎難而上，就算重重阻力，議會內又拉布又搗亂，佢仍然可以· 經濟民生方面，做到成熟一項推一項，為市民，香港，為國家做· 好多實事。

我舉個例子，CY 知道隨著香港人口老化，長者和殘疾人士用斜道會很吃力，所以在各區行人天橋加設升降機，我覺得呢項政策出發點正面，絕對是一項貼近民心、回應民意的民生工程，但反對嘅人往往將事情政治化，以陰謀論猜測、批評。目前呢啲升降機嘅使用率當然低，因為現時呢個群體好細，但唔好忘記終有一日我們都會老，都會行動不便，如果沒有呢啲無障礙設施，到時我地真係會「升降機到用時方恨少」。

有一個奇怪現象，CY 決定唔競選連任特首之後，ABC 即時消失，CY 而家可以安然落區同市民交流，有傳媒重話市民見到佢，好似見到明星咁，爭住同佢影相。

我相信市民對 CY，將來一定會有個公平· 評價！
